

Neky Di'ibü Santya'agü Jyaay

Dios yajkypy ja wijy'ajtün

1 ¹Üj Santya'agü, Diosu myüduumbü esu Nindsün'ajtam Jesukristu myüduumbü. Nduknigajxtäptsu tyädü neky majmajtsk ja Israelü myaangu tyümp 'yaats di'ibü oj ñajxtu tsunaabyu mä wiink naxwíñüdü.

²Mügu'ugítaty, nayjyáwüdü jotkujk ko myínat oytyim di'ibü ayo'onaty.

³Pes mñija'adup miidsuty ko m'ijxmátsüdü yu ayo'on ja'agyujxm ko xymyubuktü Nindsün'ajtam, miits m'üxpúktup es xymyümadä'aktat oytyim di'ibü ayo'onaty. ⁴Ja'a tsojkup es xyjättat wi'ix oy xymyümadä'aktat ja ayo'on, dü'ün m'íttat kexy ka'pxy éxtümü Dios ttseky, es kudii ni tii mdugoy'ajtxudat.

⁵Pün miidsuty nidu'uguty mdugoy'ajtxup ja wijy'ajtün, amdowdü Dios, es ja Dios mmo'oyüdüp; ja'a ko yu'u ñayajkypy yajxón, ni je'eyü xykya'o'om.

⁶Es ko xy'amdówdat, koonüm tsyékyaty es xy'amdówdat müdü mübüjkün, es kyaj xyujpjawüdü; ja'a ko di'ibü jyujpja'ap, dü'ün yu'u éxtüm ko ja jikymeyjñ ñikapy es ja poj yajnejxyuty xidsoo yadsoo. ⁷Di'ibü dü'ün éxtümü tyaadü, nanatuku ti t'awíxat müť ja Nindsün'ajtam, ⁸müt ko tuk peky ttseky tyam, es bom dyajtugátsy ja wyinmä'añ.

⁹Ja nmügu'luk'ajtam di'ibü ayoo jottugeepy, nayjyáwüdüp agujk jotkujk müť ko Dios yu'u pudáküdüp. ¹⁰Es ja di'ibü mukja'ay, nayjyáwüdüp agujk jotkujk ko natyü Dios 'yamútskyuty. Ja'a ko dü'ün yu'u éxtümü püjy di'ibü ijtp ujtsóty, kyaj jeky 'yity. ¹¹Ko xüü pyüdsemy es muk 'yañ, ni'xp ja ujts, es ja pyujy kya'ay, ta tyugoy ja tsuy'ajtün. Dü'ün ja mukja'ay tyugóyüt ko naty ni'igu ñayajmukja'aydya'aga'añuty.

Kyajü Dios pün dyajpekytün

¹²Jotkujk ja ja'ay ko dyajnaxy ja ayo'on müť ja ma'xtujkün, es müdü tyaadü mo'oyüdüp ja Dios ja jiky'ajtam winü xüü winü tiempü di'ibü Dios wyandak tyukmay'ata'añuty nidugekyü di'ibáty tsojküdüp. ¹³Ko pün ñayjyáwüty pyekyuna'añ, kyaj jyüna'anüt ko Dios myo'oyüdüyü tadü winmä'añ, müť ko kyaj pün mbaat ttuñ esü Dios pyekyütünüt, es kyaj Dios ti ttuñ es ja ja'ay pyekyütünüt. ¹⁴Ja'agyujxmü ja'ay pyekyütünüdü ko ja 'yadsojkün ñaydyukwin'üñüdü, es müť ja kyü'ümdsojkün ñayajtugóyuty. ¹⁵Ko ja'ay ttsoktu di'ibü kyaj 'yóyuty, jaa myiñ ja pojpu; es ko tyädü pojpu myujwindákñü, jaa myiññü ja o'kñü.

¹⁶Mügu'ugítaty, katü mnaywyin'üñüdü. ¹⁷Tugekyü oybyü esü tsujpu, Dios ja'a yajkypy, di'ibü tü tpujta'aky ja jaj tü'xün tsajpótm. Dios Teety

ijtramu'u éxtum 'yity, kyaj tyugatsy. ¹⁸Tsojkungyujxm tã xymyo'oyum yu njiky'ajtun'ajtum winu xuu winu tiempu mut ko n'axájam ja tuy'ajtunbu ayuk, es ndu'un'ajtum éxtum ja jawyiin tãamp ma tugekyu di'ibu Dios yajkoj.

Mubujkun

¹⁹Mut ko tyaadu du'un nnija'am, mugu'ugítaty, miidsaty nidu'ugáty m'íttap xy'awíxtut es xymyudoo'íttut di'ibu mya'awa'anudap. Es katu mnay'oojudu mut waanu tii, es kyaj mnayyajot'ambúkudut mut waanu tii. ²⁰Mut ko yu ja'ayaty di'ibu ajkup, kyaj du'un ttuñ ja Diosu tsojokun. ²¹Paaty mastu'uttu tugekyu di'ibu kyaj 'yóyaty es ja axuk winma'añ di'ibu mujwindujkup ya naxwiñ, es axájudu tuda'akytyi'knũ yu kajxwíjũn di'ibu Dios tu tpujta'aky mjodoty mwinma'añóty. Mut ko tadu kajxwíjũn myudajtypy ja muk'ajtun es dyajnitso'ogudu m'anmaja'an.

²²Paaty kuydyundu éxtum jyuna'añ ja Diosu jyaabyajtun; katu je'eyu xymyudoo'íttu. Mut ko pan je'eyu xymyudoo'íttu es kyaj xkyuuydyundu, ku'am mnaywyin'uunudu miidsaty. ²³Di'ibu je'eyu tmudoo'ity ja Diosu jyaabyajtun es kyaj tkuyduñ, ²⁴du'un yu'u éxtumu ja'ay ko tku'ixu iixnóty ja wyiin jyujp, es ko ñe'xy wiink tsoo, kyaj tnakyjyamyetsy wi'ix 'yíxyaty. ²⁵Per ja ja'ayaty di'ibu kyaj tja'aydyugóy di'ibu myudeepy, es ti'igyu tpujta'aky ja wyinma'añ wi'ix ja tim oybyu ana'amun jyuna'añ di'ibu yajwu'amp awa'atstúm, es du'uñum tpaduñ yu ana'amun, kunu'xudap ja Dios.

²⁶Per pún nayjya'ap ko twindsu'ugu Dios, es nugoo ñanigajxy ñakuxkajxy, naywyin'u'unap ku'am es ni ti tkatsooty di'ibu 'yandijpy twindsu'ugu Dios. ²⁷Di'ibu oy 'yawdajtypy ja Dios, pyudujkup ja ke'egyungaty esu ku'ekytyo'oxyaty ko 'yayow jyottugooodyu, es kyaj ñayya'axuugaty mut ja naxwiñadu winma'añ.

Ayoobu ja'ay esu mukja'ay, ti'igyu nnaydsyojkum

2 ¹Mugu'ugítaty di'ibu myubujktap ja Nindsun'ajtum Jesukristu di'ibu ni'igu myudajtypy ja muj'ajtun, kyaj xywyin'íxtut ja ja'ay ni tu'uk es jatu'uk. ²N'okpujtákum ko myiñ ma miits mnaymyúkudu tu'ugu mukja'ay di'ibu oy wyit ñijam es mut ja kyajiits ak oorũ, es myiñ net tu'ugu ayoobu ja'ay mut ja wyit ñijam patsy patsy, ³es pan miits m'axájudap yajxon ja di'ibu oy xyoxy, es xy'anuumudat: "U'uñu yaa ma tyadu oybyu uñaabyajñ", per ja ayoobu ja'ay xy'anuumudat: "Mij tanu jap", o "U'uñu yaa naxkujxy", ⁴mudu taadu xya'íxyaty ko xytsyoktu ja mukja'ay es xy'uxtijtu ja ayoobu ja'ayaty. Ko xytyundu du'un mut ko m'adsoktu, mbekytyuundubu du'un.

⁵Mudowdu mugu'ugítaty es jaygyúkudu tyaadu. Yu ayoobutujkaty di'ibu ijttap ya naxwiñ, yu'u du'un ja Dios tu wyin'ixudu es ni'igu ja mubujkun tmudáttut es t'axájudut éxtumu kyuma'añuty es jyiky'átut tsajpótm mut ja Dios, mut ko Diosu du'un tu twanda'aky tmo'oya'añ punaty tsojkudap; ⁶per miits mduktsoyduundap ja ayoobu ja'ayaty, mut ko xymyay'at xywyindsu'ugudu di'ibu mukja'ayaty. ¿Ti kyaj yu mukja'ayaty yu'u du'un di'ibu mwijts mbo'tudap es mni'uunudu kumdatugoty? ⁷¿Ti kyaj yu'ujaty

di'ibu kyajxpáttap ja tsujti'knubx xyuu ja Nindsun'ajtam Jesús di'ibu mja'a'ajtudap?

⁸Oyá dá'ún xytyuñ pún mguydyiimpy ja Diosá 'yana'amán di'ibu ni'igá myájtuty má jyaabyajtán: “Mdsókup ja mmudájkpa'ajuty éxtum mij ká'um mnaydsyékyuty.” ⁹Es pún miits mwin'ijxtap pánuty mdsokándap, taada dá'ún muut mbekykya'ay Dios windum mat ko kyaj xykyuydyuñ yá 'yana'amán. ¹⁰Ko tu'ugá ja'ay tkuydyuñ tugekyá ja Diosá 'yana'amán, per mat tu'uk je'eyá tyugoy, pekyjya'ay yá'á, dá'ún éxtumxyap tugekyá ja ana'amán tá tkakuydyuñ. ¹¹Ja'a ko Dios jyúnáñ: “Katá xyajtugóy ja pújk úkúnu wyindsá'kán”, jyúnáñ nandá'ún: “Katá myajja'ay'eeky.” Es dá'ún, oy xykyayajtugóy ja pújk úkúnu wyindsá'kán, per pún tá myajja'ay'eeky, kyaj xykyuydyuñ ja Diosá 'yana'amán. ¹²Paaty miidsuty kájx madya'aktá es jiky'attu éxtum di'ibu yajnikajxtútp má ja Diosá 'yana'amán di'ibu xy'awa'anám wí'ix kyaj n'ijtam pekyoty. ¹³Pes di'ibu kyaj tá tmudaty ja pa'ayo'on mat ja wiingátyryá, nandá'ún kyajpá Dios pya'ayowa'añty; per di'ibu tá tmudaty ja pa'ayo'on mat ja myúgu'uguty, ni ti tkájajpawya'añ ja xuu ko ja ja'ay yajpayo'odyut, mat ko Dios pya'ayowa'añty nandá'ún.

Kyaj ti tsooty ja mubájkun pún kyaj ti oy yajtúñ

¹⁴Múgu'ugítaty, ¿wí'ix tyuñ ko ja'ay jyúna'añ ko myábejkypy ja Dios, per kyaj ti oy ttuñ? ¿Tii mbaada tadá myábejkun ttuknitse'egyá? ¹⁵N'okpújtákum, pún nidu'ugá nmámubájkpa'ajtam tmudaty ja wyit ñijam ya"ayow ya"ama'at es tyugoy'ajtxuty ja kya'ay 'yukán, ¹⁶es miidsuty nidu'uk xy'anúmmat: “Nújx mudá Dios, múgu'uk, es wa'an yá'á mmo'oyaty di'ibu mij mdúgoy'ajtxáp”, es pún kyaj ti pudájkun xymyo'oy, ¿ti oy'ajtaná taada? ¹⁷Nandá'ún jajtrá dánu tyáada di'ibu je'eyá tmadya'aky'áty ko tmábeky es kyaj dyajníguxe'eky má jyiky'aty, kyaj tyuñ di'ibu myábejkypy.

¹⁸Wa'aná da nandá'ún naaguty jyúna'añ: “Mij mmábejkypy ja Dios, per éj ndiimbyáts ja oybyá.” Éjts n'adsówup: “Weená, tuk'ijxkúts mij ko xymyábeky ja Dios es kyaj xytyuñ ja oybyá, es éj mij nduk'íxup mat ja oybyá ndu'unúnats ko nmábejkypyáts ja Dios.” ¹⁹Mij mmábejkypy ko tu'uk je'eyá Dios. Oyá dá'ún ko xymyábeky; per nandá'úná májku'udájk tmábaktá ko jyámaty ja Dios, es extá tsuyánydyap mat ja tsu'ugá. ²⁰¿Tii kyajnum xy'oktimjaygyújkuná mij kujuun, ko kyaj tyuñ ja mubájkun pún kyaj ti yajtúñ? ²¹¿Wí'ix xy'ixy ko ja n'apteety'ajtam Abraán oj wye'emy oy mat ja Dios? Ja'agyújxm oy wye'emy mat ja Dios ko dyajnejxy ja 'yu'unk Isáá es tjatukwindsá'ugyáñ ja Dios. ²²Tá xy'ixy ko Abraán dya'ijxá ko Dios tmábeky es ja'agyújxm tmámudooy ja Dios, es di'ibu tyuun oj dyajka'pxy ja myábejkun. ²³Es dá'ún yajkuydyuñ éxtum jyúna'añ má ja Diosá jyaabyajtán: “Abraán myábejk ja Dios, paadyá Abraán oy wye'emy mat ja Dios”, es ja Abraán yajtijy Diosá myátnaymyaayubá.

²⁴¿Tá xy'ixy? Oy nwá'umám mat ja Dios ko nmámudo'om ja Dios es kyaj jye'eyaty ko njúna'anám ko nmábejkum. ²⁵Nandá'ún mat ja kujeñdyo'oxy Raap. Ja'a oy oj wye'emy mat ja Dios ja'agyújxm di'ibu tyuun, mat ko t'axájá es dyu'tsy ja nimajtskpa' isralítá di'ibu ijxtuundap, es tpudájká es dyajkéky má ja myúdsipún. ²⁶Es dá'ún xytyuk'ijxum éxtum

ja nini'x di'ibu tugoy'ajtxap ja 'yanmujá'an, o'krp yu'u, es nandu'un yu nmubujkán 'yity éxtumá o'krp, pún kyaj ndu'unum ja oybyu.

Ya'an

3 ¹Məgu'ugítaty, oy d'u'n ko kyaj may miits mnaybyujta'agudá ya'uxrújkpúty má ja mubujkputujk ñaymyúkudá. Mnija'adap ko di'ibu nya'uxrújkum, yu'u waanu ni'igu pyayo'oyaampy ja Dios pún kyaj oy nguydu'unum. ²Nidugekyu nbekytyu'unum; per pún jaa pún kyaj kyajxtugóy, yu'u d'u'n sitay jiky'ajtp táy'ajtun maut es nandu'un mbaat t'ane'emy tugekyu ñini'x. ³Es éxtum ko tu'ugu juyuk nduk'aja'an'kum ja frená, ja'a d'u'n es xymyámudo'om es mbaat n'ana'amum tugekyu ñini'x. ⁴Ixtu nandu'un má yu barku. Oy jyamújjátyuty esá muk poj jyayajnújxá'añaty oytim maaty, per di'ibu 'yane'empy tyuknidíjup es dyajnújxat má tjantsytyim'lyajnújxá'añ mat tu'ugu mutsk kepyu'unk di'ibu xy'ajtypy timón. ⁵Nandu'un jajtpu d'u'n mat ja ja'ayuty ja ya'an. Mutsku'u, per naymyújputákup ko kyajxy. Nnija'am yajxón ko tu'ugu junya'angu'unk ño'ktá'ayap ja tun kopku mújjátypyu. ⁶Es yu ya'an yu'u d'u'n éxtumá tadá junya'angu'unk, extá mbaat dyajtugóy ja jot winmá'añ tugekyu ja'aguyxum di'ibu kyajxypy. D'u'n ja ya'an éxtum tu'ugu jambajk di'ibu tá tyoy ayoodaknóty, es óknám dyajtoybyéky oytim ná'ajuty, es d'u'n dyajtugoodya'ay tugekyu ja ja'ayu jyiky'ajtun.

⁷Yu ja'ayuty mbaat dyaj'yuyj nidugekyu kanak naxá añimal, éxtumá joon, tsá'añ, es di'ibu jikymyejyñóty tsánaayduap, es tá dún dyaj'yuyj; ⁸per ni pún mbaat tkayaj'yuyj ja ya'an, mat ko yu'u d'u'n éxtumá awa'andsa'añ ja xywat di'ibu extá ya'o'kp es ni ná'a kyape'xy. ⁹Es mat ja nya'an'ajtum n'awdajtum ja Dios Teety, es nan mat yu'u n'amdo'om ko Dios tkajxpókut ja ja'ayuty di'ibu Dios tá dyajkojy ko ñayya'agojwinnajxu. ¹⁰Es nan má n'aa'ajtum pyudsemy majtsk nax ja ayuk, yu oygyajxy esá axuk kajxy. Məgu'ugítaty, ¡kyaj 'yóyuty ndu'unumá d'u'n! ¹¹¿Mbaat yu pa'ak nax esá tá'am nax tuk náxyuty pyudsemy má tu'ugu nax myuxy?, ¹²o ¿mbaat tu'ugu oliivus kepy tyuamp'áty tsabox limá, o ja muuxy'aats tyuamp'áty pox? Nan kyaj mbaat myuxy ja pa'ak nax má myuxy ja tá'am nax.

Wijy'ajtun di'ibu Dios yajkypy

¹³Pún nidu'uguty miits nayjya'ap kuwijy es kuday'ajtun, wa'an dya'íxyuty mat ja oybyu jiky'ajtun es mat ja yuunk'ajt naxypy'ajtun di'ibu miimp má ja wijy'ajtun. ¹⁴Per pún d'u'ñumá d'u'n miits xyñaywyinnaxujáwudá es je'eyu k'u'm xytyuk'oy'ata'andá, katá tmdimjuna'andá ko mij mguwijy'áttu, mat ko andakun yu'u es kyaj tyay'ajtanaty. ¹⁵Pesú tyada d'u'umbá kuwijy'át, kyaj yu'u dyaky ja Dios. Yu'u wyinmá'añ'ajttap ja naxwíndá ja'ayuty, es myiñ má yu mújku'ugópk. ¹⁶Mat ko má ja'ay tñaywyinnaxujawu es je'eyu ky'u'umdsojkan dyajtuna'andá, jaa nandu'un myiñ ja aká esá tsip, es tugekyu axuk'ajtun; ¹⁷per ja di'ibu myudajttap ja wijy'ajtun di'ibu tso'omp má Dios, tim jayujp'ajtp tmudattu ja jiky'ajtun wa'atspa, kyaj tsiyptajkuty, oyjya'ay, tuda'aky, ajiiky amugu'uk, myudajttap ja pa'ayo'on, es tyiimpy ja oybyu.

¹⁸Pánuty tyuundap esu ja'ay tsyuunudu jotkujk, ja'aguyxmx mayjya'ay tsyuunudut táy'ajtun maut.

Myúdsip'ajttap ja Dios pánuty tsojktap ja naxwíñudu winma'añ

4 ¹¿Ma ja tsip tsoon ko ak miits mnayyajjot'ambákudu es mdsiptunda nixim niyam? Pes di'ibu du'an mya"adútsudap, yu'u tadu m'axuk winma'añ ko ak miits mnayyajmujpudsuma'anudu.

²Mdsojktap otyiity di'ibu kyaj xymudattu, es kyaj xypyaattu; myajja'ay'o'ktap es naywyinnaxu xyjáwudu ko ja'ay ti tmudaty, per kyaj ni wi'ix tsoo xkyapaattu es xymudáttut di'ibu mdsojktap. Mdsiptuun mdsipkajxtap. Kyaj xymudattu di'ibu mdsojktap mut ko kyaj xy'amdoj ja Dios; ³es pan m'amdoodap, kyaj mmo'oyudu mut ko xymudattu axuk winma'añ es mut ko je'eyu xyajtuna'andu ma mgu'umdsojkan.

⁴Miits, ja'ayuty di'ibu Dios myastúttap, kyaj xyníjáwudu ko pán naymyaayap mut di'ibu ijtp ya naxwiñ, kyajp ja Dios ttsokta. Pánuty tsojktap es ñaymyaya'anudu mut di'ibu ijtp ya naxwiñ, myúdsip'ajttap ja Dios. ⁵Pes kyaj ñanugoobuty ja Diosu jyaaybyajtun jyuna'añ ko yu ja'ajun di'ibu Dios tu tpujta'aky es 'yítut ma údsajtum, yu'u tseyjpy es údsajtum je'eyu xyja'a'ajtum. ⁶Peru Dios xypyudujkum ni'igu mudu myaj'ajtum. Paaty jyuna'añ ja Diosu jyaaybyajtun: “Dios 'yuxtijpy di'ibu muj kujxmup, per pyudujkup myaj'ajtanguyxmx di'ibu yuunk náxypyuty.” ⁷Paaty naygyyákudu ti'igyu ma Dios. Katu xkyupuktu ja mujku'ugópk, net miits mguga'agudut. ⁸Múwingonda Dios, es yu'u nandu'an mmúwingónudap miidsuty.

Yajwa'atstu mgu'u esu mjot mwinma'añ, miidsuty, pojpa ja'ayuty es di'ibáty 'yaduunmukándap du'an di'ibu Dios tseyjpy, es nandu'an ja naxwíñudu winma'añ. ⁹Ya'ixudu ko táy'ajtun mjotmay'leeky mut ja mbojpaty. May tajtu es jáwudu. Yajtugátstu mxik mxo'onun mut ja mju'uy myaxun, esu mxondakun yajtugátstu mudu m'amay mjotmay. ¹⁰Amutsk'attu ma Dios, es yu'u mbujta'agudap muj.

Kyaj nnibi'tskajxum ja nmugu'uk'ajtum

¹¹Mugu'ugítuty, katu mnayñi'ow mnayñiyaaxudu nixim niyam. Di'ibu ñi'o'o ñiyáxap ja myugu'uk es tnibi'tskajxu, du'an ja'a éxtuma ja'ay di'ibu junaamp ko kyaj tugekyu ja Diosu 'yana'amun tyuñ. Es pan mjunaamp ko tam ja Diosu 'yana'amun di'ibu kyaj tyuñ, kyaj mij xkyuydyuñ ja ana'amun, du'an mij éxtuma ana'ambun di'ibu junaamp ti oy es ti ka'oy. ¹²Peru Diosu du'an je'eyu di'ibu yajk ja ana'amun, es nan yu'u du'an mbaat xytyukkumado'om, es nan yu'u mbaat xyajnutsókum es xyajkutugo'oyum; ¿per mbunu dun mij ko xyníbi'tskajxu ja mmugu'uguty?

Kyaj yajnijáwu ti miimp kudakp

¹³Okmudowdu miidsuty di'ibu junándap: “Bom o juxtajm njo'omum wiink kajpn, es jap n'ijtum ndo'k nyajkum tuk jumajt, es du'an nganarajtum ja maymyeeñ.” ¹⁴Per ni je'eyu xkyanijáwudu ti miin mgudáxap aya bom! Pes yu ja'ayuty ja jyiky'ajtun du'an éxtuma nima'aju'unk, waanu

lyity es tuk pójunu tyugooydya'ay. ¹⁵Di'ibu oy es njuna'anum yu'u tyaadu: "Punu Dios tseyjy es xy'akmo'oyum ja njiky'ajtan'ajtam, ndu'unum xi'idu ya'adu." ¹⁶Per ko mij mjuna'andu xytyuna'andu xi'idu ya'adu aya bom, mgawindsu'kubu du'unu Dios, mut ko je'eyu mnayajmuj mnayajkujxmuty. Es ko nmuj ngajxmum, pekytyu'unumu du'un. ¹⁷Ja'a pún nija'ap ttúnut ja oybyu es kyaj ttuñ, pekytyuump yu'u.

Kajxwíjun mut ja mukja'ay

5 ¹Mudowdu tyaadu, miits mukja'aydyujkuty. Ju'uy ya'axtu mut ko myiñ ja ayo'on di'ibu mjantsyya"ayowanudup. ²Di'ibu mmudajt mjaygyajptup, du'un yu'u Dios wyindum éxtum ti tugekyu wyindugooydya'ay, es éxtumu wit di'ibu ja ajkxytsyík tu tsyu'tsujitta'ayuty. ³Yu m'ooru meen es yu mblatu meen tu tyowudya'ay, esu tyadu tow yu'u yajniğuxu'ugup ko kyaj yajxon tu mduñ mut ja mmeen, es yu'u du'un éxtum ja janya'ank di'ibu myajtóyudup. Tu xyñikoombát xyñipujkúttu maymyeen ma tadu xuu di'ibu tim óknun. ⁴Per ja maju'uñ di'ibu mgamooydu ja mduumbaty di'ibu yajmujktu ja mbajta'aky, ja'aguyjxm ja tuumbu mni'usunudu, es myudoodaay ja Dios di'ibu tugekyu muk'ajtan myudajtypy. ⁵Ya naxwiñ miidsuty tu mjiky'attu es tu mnaymyo'oyudu jotkujk'ajtan, es tu m'uts mjotkuda'aktu, éxtum ja ja'ay dyajni'xu ja tsajkaa di'ibu ya'oogaampy. ⁶Miidsuty tu xyñiwaambáttu nanatuku. Yu'u jyiky'attu tny'ajtan muut, es xya'o'ktu, es kyaj ñaygyuwanu.

Ma'xtujkun esu kajxtákun

⁷Mugu'ugítuty, ma'xtúktu miits extu ko myínut ja Nindsun'ajtam. Tu xy'ixtu wi'ix ja naymyuduunubu ja'ay t'awixtu ja oybyu pyujta'aky. Mut ja ma'xtujkun t'awixtu ja potn es myínut ja nuu tuu. ⁸Paaty nandu'un miidsuty ma'xtúktu es ti'igyu mwinma'añ xpyujta'aktut ma Kristu, mut ko tuu dun tim wingoomp ma myina'añ ja Nindsun'ajtam. ⁹Mugu'ugítuty, kudii mnayni'usunudu nixim niyam, es kudiibu myajpayo'oydyut, ja'a ko Dios di'ibu pojpu pyaye'epy, taa ja'a. ¹⁰Mugu'ugítuty, jamyatstu Diosu kyugajxpu es pujta'aktu éxtumu ixpajtan wi'ix tmadunaay ja ayo'on esu ma'xtujkun tmudajttu. ¹¹Pes adsajtam njuna'anum ko jotkujk yu'ujuty di'ibáty tu tmumada'aktu ja ayo'on. Tu xymyudowdu ja Jopu mya'xtujkun, es xyñijáwudu wi'ix ja Nindsun'ajtam óknun oj myo'oyuty ja jotkujk'ajtan, mut ko jyantsypya"ayoy yu Nindsun'ajtam.

¹²Mugu'ugítuty, di'ibu tim jujp'am, katu xyajtestiigu'áttu yu tsajp, ni yu naxwiñudu es ni ja wiinkpu. Nik oy ko mjuna'andut "oy" di'ibu oy, es "kyaj" di'ibu kyaj, kudiibu Dios mdukkumadówudut.

¹³Pun ja pún 'yayoy jyottugoy, wa'an tkajxta'aky; es pun ja pún jyotkujk'áty, wa'an t'uy ja alabanzu. ¹⁴Pun ja pún pyékyuty, wa'an tway ja mājja'aydyujk di'ibu tuundup ma mubujkputujk ñaymyúkuđu, es tniğajxtaagut ja puma'ay, es mut ja Nindsun'ajtam Jesukristu xyuuguyjxm ttukjaaxut waanu aseytu oliivu. ¹⁵Es pun mmubujktup ko Dios ttúnut éxtum mgajxta'aktu, yu puma'ay aguda'agup; es pun pekytyuun, Dios ma'xudup ja pyojpu. ¹⁶Paaty pun miidsuty tu xymyudugoydu wiinkputy, mumayats

nidu'uk nidu'uk, es pɔjksów ja ma'xun. Nayñigajxtaaguda nixim niyam es m'agada'aktut. Ko kyajxtáky tu'ugu ja'ay di'ibu jiky'ajtp tɔy'ajtun mɔɔt, yu kyajxtákun myudajtypy ni'igu ja muk'ajtun. ¹⁷Okwinmaydyu ko ja Diosu kyugajxpu Eliisu da'un ijty jya'ay'áty éxtum udsajtum. Ja'a amumdu'uk jot kyajxtáky es kudiibu tyu'ujat, es kyaj tyuuy tuguk jumajt jakujm. ¹⁸Ko jatugok kyajxtáky, nétnum tyuuy jatugok, es oj wyinduy ja pɔjta'aky.

¹⁹Mɔgu'ugítaty, pɔn miidsaty nidu'uk myadu'udageepy ja tɔy'ajtun esu wiinkpu ja'ay tyuknijumbítyaty, ²⁰nijáwudu miits ko yu di'ibu ta ja pojpu ja'ay ttukmastu'uty ja ñu'u tyu'u ja axuukpu, es ttuknijumbity ja nu'u tu'u di'ibu Dios xytyukni'ijxum, tadu da'umbu ja'ay tyiimpy es tso'ogut ma ja o'kun, es yu'ugyujxm ja ja'ay yajtuknima'xut may ja pyeky.